

- Osiguranju sumu za slučaj smrti uslijed nezgode ukoliko je uslijed nezgode nastupila smrt osiguranika;
- Osiguranu sumu za slučaj smrti uslijed bolesti ukoliko je nastupila prirodna smrt osiguranika;
- Osiguranu sumu za slučaj invaliditeta ukoliko je uslijed nezgode nastupio potpuni 100%(posto) invaliditet osiguranika;
- Postotak osigurane sume za slučaj invaliditeta koji odgovara postotku djelimičnog invaliditeta (prema tabeli za određivanje procenta trajnog invaliditeta kao posljedice nesretnog slučaja (nezgode));
- Dnevnu naknadu za boravak u bolnici uslijed nesretnog slučaja - nezgode;
- Naknadu/povrat troškova liječenja, ukoliko su nastupili stvarni i nužni troškovi liječenja uslijed nesretnog slučaja -nezgode do ugovorenog iznosa po priloženim računima.

V PREMIJA OSIGURANJA

Član 5.

Ugovorena premija osiguranja iznosi 5,00 (pet) KM mjesečno po svakom zaposleniku. Ukupna premija osiguranja za 66 zaposlenika za 9 mjeseci iznosi 2.970,00 KM (slovima: dvijehiljadedevetstotinasedamdest i 00/100 KM). Navedena premija osiguranja oslobođena je od plaćanja PDV-a. (čl.25 Zakona o PDV-u).

Za osiguranje radnika od posljedica nesretnog slučaja (nezgode) izdati će se polica osiguranja u skladu sa ovim ugovorom. Ugovarač osiguranja se obavezuje da će dostaviti spisak osiguranih osoba. Početno brojno stanje zaposlenika je jednako brojnom stanju na dan zaključenja police osiguranja.

Ugovarač osiguranja je u obavezi da pismeno obavijesti pružaoca usluga o personalnim promjenama ili promjenama brojnog stanja uposlenika u toku trajanja osiguranja. Shodno navedenom, Osiguravač će obračunati i fakturirati naručiocu mjesečnu premiju osiguranja u skladu sa stvarnim brojem uposlenika za određeni mjesec po dostavljenom spisku od strane Ugovorača osiguranja.

VI NAČIN PLAĆANJA PREMIJE OSIGURANJA

Član 6.

Premija kolektivnog osiguranja uposlenika od posljedica nesretnog slučaja - nezgode fakturirati će se od strane pružaoca usluga u mjesečnim ratama u skladu sa izdatom policom osiguranja. U slučaju promjena broja zaposlenika, izdate mjesečne fakture osiguranja prilagodit će se stvarnom broju zaposlenika prema dostavljenom spisku promjena od Ugovorača osiguranja.

Ugovarač se obavezuje da izvrši uplatu svake ispostavljene fakture u roku od 30 (trideset) dana od ispostavljanja iste.